

# AUGLÝSING

## um friðlýsingu Oddaflóða.

Samkvæmt heimild í 24. gr. laga nr. 47/1971 um náttúruvernd hefur Náttúruverndarráð fyrir sitt leyti ákveðið að friðlýsa Oddaflóð á Rangárvöllum, Rangárvallasýslu og er svæðið friðland.

Mörk friðlandsins eru þessi: Ytri-Rangá að vestan, þverskurður í landi Selalækjar að norðan, austurmörkin eru brekkurætur neðan Sólvalla eins og þau eru dregin á meðfylgjandi uppdrátt allt suður að skurði úr Eyrartjörn sem sker ásinn rétt norðan Kamphóla. Mörkin fylgja síðan nefndum skurði 460 m úr vestri í austur, þaðan er sjónlína vestan Hólmaflóðs í suðvesturhorn túna austan Sólvalla og sunnan heimreiðar að Sólvöllum, úr þeim punkti er sjónlína í norðvesturhorn túna milli Sólvalla og Langekru og sunnan heimreiðar að Sólvöllum. Úr þeim punkti er lína sem hugsast dregin samsíða skurði vestan nefndra túna allt í Vöðla í Þverá. Þverá markar friðlandið að sunnan. Til friðlandsins heyra einnig Oddeyrar og Bakkar.

Um friðlandið gilda þessar reglur:

1. Ekki má breyta landslagi á svæðinu. Gildir það einnig um tjarnarbakka, vatnsfarvegi og vatnsborð.
2. Mannvirkjagerð og jarðrask er háð leyfi Náttúruverndarráðs.
3. Fuglaveiðar eru bannaðar í friðlandinu.
4. Friðlandið má nytja á sama hátt og tíðkast hefur, það er til slægna, beitar og fiskveiði.
5. Umferð ökutækja sem ekki tengist hefðbundnum nytjum sbr. lið 4 er óheimil. Heimil er hefðbundin umferð með hesta. Gangandi mönnum er heimil för um friðlandið í lögmætum tilgangi enda sé góðrar umgengni gætt og varast að trufla búsmala og fuglalíf. Náttúruverndarráð setur nánari reglur um umferð á svæðinu ef þörf gerist.

Náttúruverndarráð getur falið einum eða fleiri mönnum umboð sitt til eftirlits með framkvæmd friðlýsingar að nokkru eða öllu leyti.

Til undanþágu frá reglum þessum þarf leyfi Náttúruverndarráðs eða þess sem fer með umboð ráðsins.

Um viðurlög vegna brota á reglum þessum fer eftir ákvæðum laga nr. 47/1971 um náttúruvernd.

Ráðuneytið er samþykkt friðlýsingunni sem tekur gildi við birtingu þessarar auglýsingar í Stjórnartíðindum.

*Umhverfissráðuneytið, 6. desember 1994.*

F. h. r.

**Magnús Jóhannesson.**

---

*Sigurður Á. Þráinsson.*

